

Cartulaire de l'Abbaye de Redon en Bretagne: [832–1124], Nr. 32

Haec carta indicat quod dedit Cunatam, filius Tiarnan, unum hominem Sancto Salvatore, nomine Martin, tradens eum in manu Conuuoioni abbatis pro pace ut non inquirentur cum lege omnes maliciae eius, quas fecerat hominibus sancti Salvatoris et monachis rotonensibus, et haec sunt aliquae malicie eius: unum hominem nomine Rithoiarn depredavit, et vacas et porcos illius abstulit, et caballum et aequam de alio loco abstulit, et alios homines flagellavit, et multas alias malicias fecit, quas enumerare longum est: ita autem tradidit supradictum hominem ut haerent eum monachi rotonenses et ipsum et semen eius post eum in sempiternum, in monachia sempiterna, sine censu, sine tributo ulli homini sub caelo, nisi supradicto Sancto Salvatore, et supradictis monachis; et dedit fideiussores duos, Uuetenoc et Abraham, in securitate supradicti hominis; et, post hoc, iuravit ut nusquam ulla maliciam faceret supradictis monachis, nec hominibus illorum. Factum est hoc in ecclesia Bain, die sabbato, .II. idus. kl. jun., dominante Salomon Britanniam, Courantgeno episcopo in Venedia civitate, coram multis nobilibus viris quorum ista sunt nomina: Uuorgouan, presbyter, testis; Ninan, presbyter, testis; Hinualart, testis; Conan, testis; Ratfred, testis; Ratuili, testis; Gosbert, testis; Arthueu, testis; Uurgoion, testis; Iarncant, testis; Catlouen, testis; Iudre, testis; Ranauart, testis; Liosoc, testis.